



Bosnia and Herzegovina
Federation of Bosnia and Herzegovina

CANTON SARAJEVO
Professional Office for Common affairs

Broj: 17-11-27455-6/20
Datum: 18.09.2020. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama („Sl. glasnik BiH“, broj 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. Novine Kantona Sarajevo broj 5/06 – Prečišćeni tekst) i Preporuke Komisije za ustupanje usluga, načelnik Stručne službe za zajedničke poslove je donio

ODLUKU

o izboru najpovoljnijeg ponuđača u otvorenom postupku javne nabavke usluga održavanja softverskog sistema elektronske pisarnice na platformi OWIS

Član 1.

(Predmet Odluke)

Prihvata se Preporuka Komisije za ustupanje usluga u postupku javne nabavke **usluga održavanja softverskog sistema elektronske pisarnice na platformi OWIS** i ugovor za javnu nabavku predmetnih usluga dodjeljuje se najpovoljnijem ponuđaču **“ORKA” d.o.o. Sarajevo**, ponuda broj: P-20-0035 od 09.09.2020. godine, zaprimljene pod brojem 17-11-34623 od 09.09.2020. godine, za ukupnu cijenu ponude u iznosu od 51.300,00 KM bez PDV-a, odnosno 60.021,00 KM sa PDV-om.

Član 2.

(Prijedlog ugovora)

- (1) Ugovor će se dostaviti na potpis izabranom ponuđaču u skladu sa članom 98. stav (2) tačka a), a u vezi sa članom 72. Zakona o javnim nabavkama („Sl. glasnik BiH“, broj 39/14) (u daljem tekstu: Zakon).
- (2) Izabrani ponuđač se oslobađa obaveze dostave dokumenta zahtijevane tenderskom dokumentacijom iz člana 45. Zakona, obzirom da je iste dostavio uz ponudu.
- (3) Izabrani ponuđač je dužan dostaviti dokumente zahtijevane tenderskom dokumentacijom iz člana 47. Zakona u roku od 5 dana od dana prijema ove odluke.
- (4) U slučaju da izabrani ponuđač propusti dostaviti tražene dokumente iz stava (3) ovog člana, Stručna služba za zajedničke poslove će poništiti predmetni postupak javne nabavke.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Član 3.
(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 17-11-27455 od 20.08.2020. godine.

Javna nabavka je provedena putem otvorenog postupka javne nabavke.

Ukupna procijenjena vrijednost nabavke iznosi 51.300,00 KM bez PDV-a.

Obavijest o nabavci Obavještenje o nabavci objavljeno 20.08.2020. godine na portalu E-nabavke, broj postupka 1230-1-2-59/20.

Tenderska dokumentacija objavljena je na portalu javnih nabavki dana 20.08.2020. godine.

Komisija za javnu nabavku imenovana je Rješenjem o imenovanju broj: 17-14-38834 od 29.10.2019. godine.

Krajnji rok za prijem ponuda bio je: 09.09.2020. godine do 13:00h, a javno otvaranje ponuda je upriličeno isti dan u Multimedijalnoj sali (ul. Reisa Džemaludina Čauševića 1), sa početkom u 13:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-11-27455-5 od 15.09.2020. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 1
- Broj blagovremeno zaprimljenih ponuda: 1
- Broj neblagovremeno zaprimljenih ponuda: 0
- Broj prihvatljivih ponuda: 1
- Broj neprihvatljivih ponuda 0

Komisija je pristupila analizi dostavljene dokumentacije u smislu provjere validnosti ponude obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda – analitička tabela:

| Broj protokola ugovornog organa | Redni broj omotnice ponude | Naziv ponuđača | Omotnica sa ponudom ispravno zatvorena (zapečaćena ili potpisana da/ne) | Ukupna cijena ponuda (KM bez PDV/sa PDV) |
|---------------------------------|----------------------------|--------------------|---|--|
| 17-11-34623 | 1. | Orka d.o.o. | DA | 51.300,00 / 60.021,00 KM |

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je ponuđač dostavio kompletnu i formalno pravno prihvatljivu ponudu.

Na osnovu navedenog, a u skladu sa kriterijem “najniža cijena” Komisija je predložila dodjelu ugovora za ustupanje predmetnih usluga ponuđaču koji je dostavio prihvatljivu ponudu, i to: **ORKA d.o.o. Sarajevo.**

Izabrani ponuđač se oslobađa obaveze dostave dokumenta zahtijevane tenderskom dokumentacijom iz člana 45. Zakona, obzirom da je iste dostavio uz ponudu, a Komisija iz dostavljenih dokaza utvrdila da se ponuđač ne nalazi u okolnostima iz člana 45. Zakona.

Izabrani ponuđač je dužan dostaviti dokumente zahtijevane tenderskom dokumentacijom iz člana 47. Zakona u roku od 5 dana od dana prijema ove odluke, i to ovjerenu kopiju bilansa stanja za 2019. godinu i ovjerenu kopiju bilansa uspjeha za 2019. godinu, obzirom da je u ponudi dostavio obične kopije istih.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, odlučeno je kao u dispozitivu.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



POUKA O PRAVNOM LIJEKU:

U skladu sa članom 101. stav (1) tačka d) Zakona, protiv ove Odluke može se izjaviti žalba ugovornom organu, najkasnije u roku od deset (10) dana od dana prijema ove Odluke, na način propisan članom 99. Zakona i 105. Zakona.



Prilog:

Zapisnik o pregledu i ocjeni ponuda

Dostaviti:

1. Ponuđačima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

